

14
PULCINELLA
VENDICATO

FARSA RIDICOLA
DI UN ATTO

DI

FRANCESCO CERLONE.



NAPOLI 1802.

Presso DOMENICO SANGIAGOMO.

Dal medesimo si vendono nella sua Stamperia
a S. Giuseppe de' Ruffi num. 15.

Con licenza de' Superiori.

PERSONAGGI.



FLORINDO *amante di Sabatella, e promesso sposo di*

ROSALBA.

SABATELLA.

D. CECCILLO *amante di Rosalba.*

D. PROSPERO MANGIONI *fratello di Rosalba.*

PULCINELLA *amante di*

COLOMBINA *amante di Pulcinella.*

PERENIELLO *destinato sposo di Sabatella.*

COVIELLO *servo di Florindo.*

Spirito.

La scena si passa in una campagna vicino Napoli, con casetta rustica da un lato.

ATTO UNICO .

SCENA I.

Campagna con casetta rustica da un lato .

Notte .

Colombina in finestra, indi Pulcinella che arriva.

Col. **A**spettare e non benire, ben servire, e mal gradire, star'a lietto e non dormire, sò tre cose da morire; Ah! e quanno spon-
ta chillo mascolo mio! chillo bello Polece-
nelluzzelo de sto core! E chi po arreposà;
mme sò sosuta tre ora n' ante juorno pe l'
aspettà comme m' ha prommisso.... E si
non faccio arrore, eccolo ccà.

Pul. Colombi? **Col.** Polecenè?

Pul. Aiuteme bene mio! **Col.** E ch'è stato?

Pul. Aggio acciso a uno.

Col. Mara me' poverella! è muorto?

Pul. E muorto. **Col.** Quann'è stato?

Pul. Mo nnante. **Col.** E' stata rissa?

Pul. E stata arriffa gnorsì.

Col. Vi che notizia nera! E comm'è stato?

Pul. Mo te conto: lo veneva comin' a lo so-
letto a sfistoleggià co tico, aggio trovato uno
appontunato, e m' ha ditto: Chi va llà? Io
aggio respuosto: sough'io. E isso ha repi-
gliato: e passa o te coso de stoccate; mme
so calato nterra pe piglià na vreccia, l'ami-
co m' è stato ncuollo, nce simino afferrate
e sò ghiuto io sorta. **Col.** Poveriello! e isso?

Pul. E isso ha accommenzato terituffe tiritaf-
fe, paccare e schiaffune. **Col.** A te?

Pul. A me; io da sotto aveva ntenzione de
lo paccarià, e isso s'è accravaccato ncuoll'
a me, e tanta mazze m' ha dato, e tanta
punia, e tanta scoppole, e paccare m' ha da-
to, sia ditto a grolia mia, ch'è stracqua.

A 2

to e non poteva chiù, e ha ditto: so muorto bene mio! io ch'aggio ntiso ch'era muorto, mo mmecidie non se n'agghiusteno, mme sò puosto a fùl. *Col.* E chisso è l'omecidio?

Pul. Chisto; è muorto; l'ha ditto co la vocca soja.

Col. Vattenne pazziariello mio! m'aje avuto a fa sorreiere! Comme staie?

Pul. E comme voglio stà? senz' appetito; da che sò nnammorato de te aggio perzo l'appetito; iersera annevina che mme mangiaje pe mme soppontà lo stommaco?

Col. Che te mangiaste?

Pul. Dicennove piate de maccarune, de no rano l'uno, dudece pizze de no tornese l'una, vintiseie piezze de baccalà, e quattuordece cape de sauciccie.

Col. E niente chiù?

Pul. Ventitre scagliuozzole, e otto rapeste.

Col. E pane?

Pul. Poco; io non nce vatto co lo pane, e perche non aveva appetito mme mangiaie quatto palate de pane a panelle frisco, e pure nne lassaie na meza panella, che mme la immoccaie a forza co quarto grana de recotta salata; e perche me ne restaie no poco. *Col.* De recotta salata?

Pul. Gnorsì, pe no la iettà mme ne accattaie no panesiglio de monezione nove tornise; chi ama da vero comin'a me, non penza a mangià.

Col. Core mio sacce ca sò guaie.

Pul. Guaie! e comme?

Col. So guaie co la pala! lo patrone mio vo che sposo Coviello.

Pul. A Coviello! uh marisso! l'accido! le faccio peo che n'aggio fatto a chillo appuntunato mo nante. *Col.* Vattenne!

Pul. E mme trovo mò, tant' è uno omeicidio, tanto so due, e tre.

Col. Lo patrone vo dà la figlia Rosaura a lo si Frorindo, e bo dare a me pe mogliera a Coviello criato suo.

Pul. E tu capezzale mio, fecato fritto mio, casatiello fatt'a pane mio! che ne dice?

Col. Che nne dico? *Pul.* Sì, che nne dice?

Col. Aggio pensato... pe la stimazione sà, ca v'è chiù l'annore ca la vita.

Pul. Va dicenno.

Col. Aggio penzato de mme ne fuire co tico onestamente e sposare nziemme.

Pul. Siè benedetta, accossì fece mammeta, soreta, vaveta, zieta, e tutta la schiatta toia onorata.

Col. Non boglio fa tuorto a loro.

Pul. Chisti so sentemiente; nce ne foimmo a la Cerra, ca llà tengo mobeles e stabbele.

Col. Ne?

Pul. Certo, tengo na massaria d'otto moja, e co la nnustria mia la fece de trent'otto moja. *Col.* E comme?

Pul. Pe no mese ogne matina nce fece no murio; tengo quattro bauglie chine zippe de robe; nce mancano impertò li faune, li copierchie, e cheli'attorno; tengo no lieto e la riale comprito, quanto te spuoglie, e curche. *Col.* E comm'è?

Pul. E' na bellezza, matarazze non nce stanno. *Col.* Nce starranno le coperte?

Pul. Manco. *Col.* Lenzola?

Pul. Oiebbò. *Col.* Lettera?

Pul. Affatto. *Col.* Scanne? *Pul.* Nibert.

Col. E che nce stà?

Pul. Na stora morbida ch'è cosa perlibbata.

Col. Ora si non aje tu, tengo io oro e denare; mo scengo.

Pul. Scinne franfellicco mio; core mio ca mme v'ò bene; chesta mme fà morì! è na Dea Vernia! io mò n'aggio avute mimestute...

ma chesta me fa sosperà de manera la notte, che si non apro le fenestè moro impetato. *Col.* Pulecenè? che staie dicenno?

Pul. Steva dicenno; n'aggio avute mestute, mmine so benute femmene appriesso.

Col. Ne ne?

Pul. Cancaro! l'auto juorno cinco femmene mme correvano appriesso.

Col. Cinco femmene?

Pul. Cinco pe tutto lo munno; io fujeva nnante, e loro correvano appriesso.

Col. Ma perchè? volevano ammore?

Pul. Gnerndò. *Col.* E che volevano?

Pul. Na culata che io m'aveva zappoliata.

Col. Pazziariello! *Pul.* Friccecarella!

Col. Sposame primmo. *Pul.* Chesta è la mano.

Col. Jura de m'essere fedele.

Pul. Siente, si t'avesse da tradire mme pozz' affocà tutte doje l'ossa pezzelle!

S C E N A II.

Coviello, con altri sgherri armati, e detti.

Col. Che robba è 'lloco? *Col.* Uh nera me!

Pul. E che site?

Cov. La corte (dei dam' accossi).

Pul. Uh, malalora! mò so frustato co Colom-bina ncanna! *Cov.* Che facite ccà?

Col. Uh Coviè? *Pul.* Coviè!

Cov. Arrassate birba, malandrina; arrassate sacco de paglia! *Col.* Ma siente...

Pul. Coviè?

Cov. Che boglio senti, afferrate a chesta belli Figliù (a isso facitelo scappà). *Col.* Coviè?

Cov. Che Coviello; afferrate a chesta sì. Capi-tà, se nne volevano fù; ratto violentibus ncè pena de la vita.

Pul. Sarva sarva! fugge. *Cov.* Viera co nuje.

Col. Addò?

Cov. Addò mme piace; te voglio fa vedè chi è Coviello Ciavola.

Col. A ca sò morta! *Cov.* Cammina.

Pulcinella, e poi Mago.

E perdo Colombrina! Stelle del pavimento?
Fiori del firmamento? augelli del mare no-
tanti? pesci dell'aria volanti? consigliate-
mi voi! **E** che buò consighià, aggio per-
duta Colombrina! Coviello è mio rivalio,
se l'ha portata co chill' aute malandrine
amice suoje! e s' è finto la corte pe
me coffià! astri del zodiaco, crepuscoli
orientali, taratufoli notturni consolatemi
voi! che faccio? che resorvo? voglio morì,
mo proprio mme voglio dèrropà pe sto scar-
rupu ch'è futo arrasso sia ch'è no zeffunno!

Ma. No. da dentro in forma d'Eco.

*Pul. Gnò! chi ha responnuto? è lo vero o sto
mbriaco? Ma. Aco.*

Pul. Che te pognia. Ma. Ognà.

Pul. A le bentricella de lè deta. Chi si tù?

Ma. Tu. Pul. E che buò?

Ma. Che buò. Pul. Niente. Ma. Niente.

Pul. Non buò niente e me fruscie?

Ma. Fruscie.

*Pul. E a te vesentierie... immaiora fosse l'Eco:
guè? Ma. Guè.*

Pul. Sì l'eco? Ma. Eco.

Pul. E dill' apprimmo te venga no cancarò!

Ma. Nfaccia.

*Pul. Uh malora è sferrato l'Eco! E nfra tan-
to che faccio? aggio perduta Colombrina...
core mio... tranfellicco mio... mo m'n-
vado a ghiettà...*

Ma. Ferma, perchè piangi? Pul. Pe gusto.

Ma. Mi conosci Pulcinella? Pul. Gnorsì.

Ma. E chi sono? Pul. E che saccio.

Ma. Io sono il Mago Zarzafiello.

Pul. Sì Zurfariello mio!... Ma. Zarzafiello.

Pul. Agliariello? Ma. Zarzafiello.

Pul. Carrafiello? Ma. Zar, za, fiel, lo.

Pul. Mpa , glia , tiel , lo ; e ca m' accide che pozzo ncarrà Zarzafiello , è impossibile .

Ma. Ora detto l' ai .

Pul. Ne ? ncoscienza toja !

Ma. Io sò il caso tuo .

Pul. E io saccio la tua ricotta .

Ma. Perdesti la tua Colómbina , te la rubò Coviello .

Pul. Non me l' arrobaje , se la pigliaje e se ne fujette .

Ma. E tu vuoi vendicarti contro l' empio trafugatore ?

Pul. Io non l' aggio co trafugatore , l' aggio co Coviello .

Ma. E ben vuoi far vendetta ? *Pul.* Gnòrsi .

Ma. E io ajuterò Pulcinella a costo del mio sangue .

Pul. E io stroppiarò Coviello a costo della sua materia .

Ma. Eccoti questa bacchetta in cui vi sono cento oitanta due spiriti d' averno .

Pul. Ch mamma mia ! *Ma.* Non aver paura .

Pul. Non è paura , è un piccolo principio de vermenara .

Ma. Il capo d' essi si chiama Specariello .

Pul. Non saccio auto , Specariello ? è Sbirro .

Ma. Eh ! che dici , è diavolo il mio Specariello .

Pul. E chisto che dico io è Sbirro , ch' è chiù de lo Diavolo . *Ma.* E come ?

Pul. Lo Diavolo si accorre se piglia l' arma , e lascia lo cuorpo ; ma lo Sbirro te porta n' anima , e cuorpo int' a lo ligramine .

Ma. La tua innocenza è difesa da Numi ; animo , coraggio , cor di leone ; con questa bacchetta comanderai a spiriti d' averno , e a Spicariello , il quale sarà tuo paggio , tuo servo , tuo schiavo . Ardisci , vendica i torti tuoi ; quanto vorrai ; domanda a questa verga e il tutto avrai . *vía .*

Pul. Malalora ! io sò a cavallo ! Gra anemo e core , se tratta de recuperà Colombrina , mia fiamma amorosa , e de mme vennecà de Coviello mariuolo ; a nuje : voglio vedè Specariello ! ah ca tremmo ! coraggio bestia ,... Siè bacchetta ? fa vent' ccà Spicarie .
lo ... *esce uno Spirito* . Mamma mia bella !

Spi. Brù brù brù .

Pul. Che boglio ? *Spi.* Brù brù .

Pul. Voglio volà pe l'aria . *Spi.* Brù brù .

Pul. Co' tico gnorsi , e bogl' ire addò sta Coviello e Colombrina mia . *Spi.* Brù brù .

Pul. La toja ! Colombrina è la mia .

Spi. Brù brù .

Pul. Specariè vattenne ca te faccio arreventà mafrone ; quann'è morta po la favoresce ossoria ; nzomma volamino ?

Spi. Brù brù .

Pul. Ma non bogl' ire vascio vascio .

Spi. Bru brù ?

Pul. Perché ? ncê po trovà no malora de cacciatore nce piglia pe mallarde spara e nce ne scioscia ! *Spi.* Brù brù .

Pul. N'aggio paura và , a chello che riesce , all' urdemo cado , e me rompo la noce de lo cuollo ? na vota nce pozzo ncappà , anemo e core , a nuje . *siegue il volo* .

S C E N A IV.

Camera d'un casino di Campagna .

Coviello , e Colombina .

Col. Bene mio ! addò in' avite portata !

Cov. E statte zitto ca te scanno ; se voleva sposà Polecenella , chillo sacco de paglia , chillo caccialo a pascere , chillo piezzo de montaro . Lo sì Frorindo lo patrone mio non bo chiù la siè Rosarba la patrona toja ; stante spantecheja pe na foretanella ccà vicino .

Col. E chisto è casino de lo si Frorindo ?

Cov. Appunto, chesta è casa nnorata, io so galantommo, parlanno co modestia; pe sta sera isso se sposarrà la foretanella, e io Golombrina.

Col. Te, a, ta, frittata; io mogliere toja, malandrino, frabutto, nnante m' accido!

Cov. E tu de Polecenella che nne vide?

Col. Chillo piace a me, chillo mme fa morì, schiatta e crepa.

Cov. E tu muore accisa.

Col. E siente: penza ca ncè ghiustizia pe tutte.

Cov. Io te voglio pe mogliere, e te parlo onestamente.

Col. E io non te voglio.

Cov. Ora po lo bedimmo. *via*

Col. E lo bedimmo.

S C E N A V.

Pulcinella e detta.

Col. **P**olecenella mia addò staje. *Pul.* Sto ccà.

Col. Uh! Polecenè? *Pul.* Colombri?

Col. Core mio? e comme s'aje ccà?

Pul. M' ha portato Specariello.

Col. Ne? chi è Specariello?

Pul. Che bello giovane, si lo vide, è n'incanto; è paggio mio. *Col.* Ne? lo voglio vedè.

Pul. Ma comm'è bello, che uocchie, che naso, che fronte! oh!

Col. Fa'n millo vedè core mio.

Pul. Olà, venga ccà Specariello. *viene lo spirito, e va intorno a Colombina.*

Spi. Brù bru...

Col. Mamma mia! ah!

Pul. Specariè? vattenne mò. *Spi.* Brù.

Col. Mo moro bene mio!

Pul. Specariè vattenne mo.

Spi. Brù brù.

Pul. E battenne puozz'esser acciso, o te faccio la faccia bacchette bacchette, vi che spirito azzecuso!

Col. Comune! chisto è lo Paggio?

Pul. Chisto è lo Paggio.

Col. E comme commanne a li spirete?

Pul. Mente mme voleva accidere ca t'aveva perduta, no Magro m'ha data sta bacchetta e pozzo fa nzò che boglio; viene co mico.

Col. Addò?

Pul. Viene co mico moglierella mia, te voglio fa vedè no schiassià de n'auta manara... nuie nce potimmo fa vesibbele, e m'esibbele; potimmo piglià forma de qualesvoglia manara. *Col.* Ne ne?

Pul. Certo; me, te voglio fa piglià la figura de Polecenella; E io voglio piglià la figura de Colombina. *Col.* E perchè?

Pul. Pe sta chiù sicuro, e p'acconcià Coviello; viene co mico rosecarella mia cara!

Col. Vengo strummolillo mio aggarbato!

SCENA VI.

Florindo, e poi Coviello, indi Sabatella.

Flo. Copinto te ringrazio, in'aje fatto no carizzo che te resto obbricato mente campo! chi lo credarria ah? Sta foretanella mme fa morì; quanno la sento cantà dint'a sta massaria mme face addebolire! che grazia! che bellezza! che presenza de sdamina!... Ah sò muorto! Siè Rosa ba mia, scusame, è lo vero ca t'aggio data parola, è lo vero ca aggio pregato a pateto pe-t'avere... ma mo ch'aggio vista Sabatella mia mme si asciuta da lo core... oh Coviè?

Cov. Strissemma?

Flo. Colombina toja addov'è?

Cov. Sta dintò llà. Io la voglio pe mogliera, l'amo co fine onesto... è possibbele che no sacco de paglia s'ha da sposà chella ros... masca?

Flo. Te compiatesco; da la passione mia argomento la toja; moro pe sta Foretanella

Cov. E la siè Rosarba?

Flo. E non è biva; patremo mme la vo dâ,
lo frate d'essa pure...

Cov. Chillo che mangia poco?

Flo. Sì, ma io sto co lo penziero a Sabatella mia, e pecchesto mme ne so benuto a sta massaria, già che nce tengo sto Casino, pe mme sollevà no poco co la bella vista soia.

Cov. Uh! e sientetella, va vennenno torza ficcie!

Sab. Recciolella, recciolè. *da dentro*..

Flo. Ah Coviello, chiammala pe pietà!

Cov. Zitto zì! siente comme canta bello.

Sab. Femmene belle -- Le ricciolelle
Chi vò accattare -- Eccole ccà.
No pigniatello -- Saporetello
Chi lo vo fare -- Che chiamm' a'mè;
Le ricciolelle -- Femmene belle
Chi vò accattare -- Eccole ccà.

Ricciolella, recciolè.

Cov. Aspè, co scusa d'accattà le torzelle mo-
la chiammo cca ncoppa. *Flo.* Sì sì.

Cov. Recciolè? saglie ccà; mo saglie.

Flo. Comme mme sbatte lo core! penzanno
ca mo saglie mme sento venì meno!

Cov. E fatt' anemo mmalora; all' urdemo non
sì quà gnorante, si no giovane vertuloso;
liegge scorrenno, saie a mal' appena fa lo
nomme tuo, aje studiato Paris e Vienna,
Buovo d' Antona, lo riale de Franza.

Flo. Compatisceme comm'aggio compiatuto a te.

Cov. E siè beneditto; mme piaceno chilli pa-
trune, e nne saccio paricchie accossi, che
ogn' uno se fa le soie, lo patrone e lo cria-
to, e s'ajutano accorrenno l' uno co l' au-
to. Uscia llustrissemo site mercante de tra-
ve, ricco, uneco, bello, e nzorateve a gu-
sto vuosto... eccola ccà.

Sab. Recciolè? *viene*.

Cov. Trase ccà. *Sab.* Maramè lo Signore!

Cov. Aspè; e ch'è urzo lo signore, vò accattà la menesta... chi mme vò? mo vengo, e via.

Flo. Nenna mia quant' a grana?

Sab. Quatto signò.

Flo. Troppo poco facimmo otto.

Sab. Gnerndò. *Flo.* Sei. *Sab.* Gnerndò.

Flo. E tiene mente alommacaro.

Sab. Facite priesto signò.

Flo. Facimmo quatto comme vuoie tu.

Sab. Le torzelle meie sò tennere, riccie, e saporite; quanto nne volite, no grano?

Flo. Sì cara.

Sab. Eccole ccà. *Flo.* Eccote lo grano.

Sab. Stateve buo... maramè! chesta è na doppia de seie docate, e addò la voglio cagnà?

Flo. Pigliatella, è la toia. *Sab.* Sta doppia?

Flo. Sì. *Sab.* E perchè mme la date?

Flo. Pe genio ca si bella che lo cielo te pozza benedire. *Sab.* Chesto che ben' a di?

Flo. Te voglio bene quant' all' uocchie mieje, agge pietà de inè! non me fa morì desperato! t'amo pe fine oneste, e si avesse pensiero d' ammacchià pe ombra la stima toja che mme pozza lo cielo folmenare; Core, bellezza, speranza de sto core.

Sab. Faccia tuosto... dateme lo grano, chest' è la doppia vosta.

Flo. Tienetella è la toja; io non cerco niente, sulo la grazia toia.

Sab. Mannaggia chi nce ha corpa de mme fa ire sperta accossi; vi che mbroglie sò cheste! nce chiammano p' accattà le torza riccie, e po parlano d' amore!... ne cristo frabutto? *Cov.* A me... *ritorna.*

Sab. A te che si stato chiamato justo mò, viene ccà. *Cov.* Che buò?

Sab. Mme chiamme p' accattà la menesta, e po...

Cov. E po che? che malor' aje? ch' è lione lo patrone che te sbrana?

Sab. Chi dice ch' è lione.

Cov. E' no giovene d' oro, onesto, ricco, aggraziato, e bello; te vò bene, more pe te, che mmalora simmo turche, la pietà, la cortesia co lo prossemo nce vò benedetta mia.

Sab. E mme chiamme e me faie sagli?

Cov. E che nce si ncappata tu sola?

Flo. Coviello mio lassela i co l' ora bona.

Cov. Oh e lassamella fa capace: Na vota serveva tre studente de marateja mannate da li patre lloro a studiare a Napole, e feceno profitto; Uno se sposaie na conciaseggie; n' auto una che benneva cicere chi vo ci; e lo terzo na chiajesa che ghieva vennenno tonninole; e mo stanno da Signorelle co li marite lloro. *Sab.* Lassate mme n' ire.

Flo. Nenna mia la porta sta aperta, và core mio, penza ca io te voglio bene, e ca non è delitto amare pe fine oneste na figliuola.

Cov. Mme sento fa le carne pecune pecune! mmalora! aggio voluto nascere omno! ca vorria essere la stessa pietà, comme sò tutte le Sore meje

Sab. Vuie che bolite?... io sò mmaretata.

Flo. Mmaretata!

Cov. Ben' aggia sidece mise!

Sab. Cioè comme fosse mmaretata.

Flo. Ah torno mmita!

Sab. Vava mia ch' è becchia vecchia (ca essa sola tengo) mme vo fa sposare pe tutta craje co Pereniello, no verdummaro de napole.

Cov. Che buo sposà? perche s' ha da sposà? comme s' ha da sposa? addò stammo cca? benn' aggia che ncè sò nato! senza leccienza mia se sposa! addò? comme? quanno? perché? te voglio fa vedè n' aggrisso, no terramoto!

Sab. Maramè ! e tu chi si ?

Cov. So lo catapano , lo quarto de l' arte , lo campione , lo protanquanquera de li matreminuonie

Flo. E chi è sto Pereniello ?

Sab. Ve l'aggio ditto ca è verdommaro , è ommo anziano , e mine po e sere patre , e se serve de la padula nosta pe la verdommà .

Flo. E tu lo vuò bene ? *Sab.* Accossì accossì .

Cov. E mo addò stà ?

Sab. Quann' io sò asciuta vennenno , steva parlanno co bava ... ! *da dentro Pere-*

Per. Sapatè ? *(niello chiama .*

Sab. Gnò ? sto ccà Pereniè , venno la menestà a lo signore .

Flo. Perchè l'aje responnuto ?

Cov. Canà perra ! aje fatt' arrore ! chillo mo saglie .

Flo. E che saglia che mporta ; vasta che mine vuoglie bene , e pienze a case tueie , core de st' arma mia ; vi ca tu non si nata pe sta din' a na padula , ma si nata pe cominnà .

Sab. Bene mio m'avite scoietata !

Flo. Pensace bella mia : non sposa , mantiene , traccheggia quanto può , ca sarraje la regenella mia ... primmo che saglia d' amme sta mano . *Sab.* Perchè ?

Cov. Dalla mo , da gusto a lo signore .

Sab. Eccola ccà ! vi stammatina !

Flo. Tienete sto ricordina de smiralde p' allucuardo mio .

Sab. Comme site aggarbato , viata chella femmena che v' ha da esse mogliera .

Flo. E si tu core mio .

Cov. Sode mo ... che d' è ?

S. C E N A VII.

Pereniello , e detti .

Per. E mbe ! chesto che de ? uh potta de nni-co ! ...

Cov. Ch'è stato? che malor aje?

Per. Che faie lloco?

Sab. Aggio vennuta la menesta a lo signore.

Per. E l'uommene accattano la menesta? vò scinn'a bascio nante che te scommo de sango.

Cov. Perchè, perchè? *Per.* A bascio.

Fla. Che male ha fatto?

Per. Niente: signò scusateine... ma mme faccio mmaraveglia d'usseri loro.

Cov. Avierte comme parle co lo signore ca è Mercante de trave.

Per. Che trave e chiancarelle mme vaie contanno. *Fla.* Oje Birbo!

Per. Che birbo, e sbirbo, cca stammo a no Paese (a grolia de lo Cielo) che ncè ghiossizia pe tutte; Se chiamma na povera figliola che ba vennenno pe campà nnora, mmente, e lo manco de che se parla e l'accattà, e accossì s'ammalezeieno le povere nnocentelle che non sanno inanco ntrovollà l'acqua! a bascio vò, t'ha pagato?

Sab. Gnorsì. *Per.* Quanta menesta ha voluto?

Sab. No grano. *Per.* E lo grano addov'è?

Sab. Eccolo cca.

Per. Mmalora! chesta è doppia.

Sab. Mme l'ha data lo Signore.

Per. Nè? e quanno te chiamma lassa tutto e saglie, dalle torza ricce, vruoccole, chello che ho, ca è de bona faccia e meglio core; quanno teneno costume accossì oneste, e belle servitele co tutto lo core; allorzignure. *viano.*

S C E N A VIII.

Florindo, e Coviello, indi D. Prospero Mangione, e Rosalba

Flo. Che te pare ah!

Pov. Lassalo i a malora: Essa però sacce ca te vò bene.

Flo. E comme te nne si addonato?

Cov. Ca chesta è l'arte mia.

Flo. E nfratanto?

Cov. E nfratanto che? da cca a stasera nè n'anno . . . uh! *Flo.* Ch'è stato?

Cov. F. sa chi vene? *Flo.* Chi?

Cov. La siè Rosarba co lo frate!

Flo. Potta de craie matino, e comme và sta cosa?

Cov. E che saccio comme và; Oh favorite!

Flo. E ch'annure sò chiste!

Ros. Si Frorindo bonnì.

Flo. Ve so schiavo; che ghiate facenno?

Cov. Che passate nnante?

Pro. Gnernò; avimmo saputo ca iere venut' a caccia ccà a sta Padula, e t'avimmo voluto fa na mprovisata.

Ros. Sapite ca Colombina se n'è fojuta?

Cov. Gnorsi l'avimmo saputo, co Polecenella.

Pro. Accossì sospettammo. *Cov.* Accossì è.

Pro. Ora rotta de cuollo dico a buie; Si Frorì? volimmo mangià ccà co tico.

Flo. Patrone. *Cov.* Vi la matora!

Pro. Simmo chi simmo; Sorema se po di ca t'è mogliera; craie, o pescraie ve faccio sposà e bona nott'a li Sonature; tu sì buono figlio, essa squaglia pe te, mme voglio spiccià; (e po mme voglio arrecettà io pure). *Cov.* E da vero mangiate ccà? non credo. *Ros.* Da vero.

Pro. Si core mio; ma na cosella alta alta sa si Frorì? Non te maitere a rommore ca saie ca sò de poco pasto, e magno quant' a n'auciello. *Flo.* Lo saccio.

Cov. O quant' a otto vufere!

Pro. Na cosella alta alta; arreimmedia na menestella, co no bullito de vacca e no paro de Pullanche, sett'otto lengue de puorco, na ventina de sauciccielle, na recchiaiena ec.

cetera; No maccarone co no facierro stufato; no fritto de cerevella e fecato, no paro de Gallottole a lo forno, no spetillo de fecatielle, quatto anguille ca cca se trovano, na pezzella rusteca, ma che sia ferma, e ch' affonna lo cortiello; formaggio, acce, fenucchie, rapeste; e all' urdemo na scioscela, no pignuolo, no milo, no rappo d' uva, no mostacciuolo, e niente chiù, ca' nuie simmo confidente, na cosa alta alta.

Cov. Puozz' essere acciso?

Flo. Patrone; Coviè? *Cov.* Strissema?

Flo. Ordena; tè. *li dà denaro.*

Cov. P' ordenà sto poco ch' a ditto chisto nce vò na seminana.

Flo. Rimedia tu, ecco chiù denari.

Cov. Ma che robba che so sti Frate de ste Figliole; pe se sterà le cresse da le panze sònnate apposta.

Pro. Siente siè? *Cov.* Strissema.

Pro. Na cosella alta, alta; caffè nce ne sta pe doppo mangià? *Cov.* Gnorsì.

Flo. Nce sta no Cafettiero cca bascio.

Pro. E ordinallo pe doppo mangià; siente siè. E sempre fuie. *Cov.* Decite.

Pro. No canestiello de ciambellette, ma poche, no centenaro; no poco de rosolio buono. *Cov.* Gnorsì. *Pro.* Siente.

Cov. Decite?

Pro. No paro di libbre d' allessa sceroppate.

Cov. Gnorsì.

Pro. No paro de dozzane de viscottine de cicolata; non te mett' a moina na cosa alta alta.

Cov. Puozz' esser' acciso tu che nce si benuto vivo! ha ordinate chiu de vinte ducate de robbe. *Res.* Và Coviello. *Flo.* Sbrica.

Pro. Siente siè? pe sta sera na cosella...

Cov. Alta alta.

Pro. Giusto, ca la sera se mangia poco, se passa lieggio pe sta bene.

Cov. Ma chiù o meno Signò?

Pro. Na cosella alta alta: N'arrusto de costate, e si sò de vulera so meglio, na frittata, na fellata, quatto pizze a lo forno co l'uo-
glie, co la nzogna e caso rattato, e mozza-
relle pe coppa; No' paro de casecavalle
vecchie, na verola, na verdumma; non
te mett' nzoggezione, na cosella...

Cov. Alta alta.

Pro. Vi ca la saie:

Cov. Pe meza notte v'abbesogna niente?

Pro. Cafè, acquavita, dolci, qua bottiglia;
non te ncommodà troppo ca nuie simmo pa-
riente sa.

Cov. Gñorsì: E pe lo matutino all'arba? si
dormite ccà.

Pro. Nà zuppetella de zoffritto, co no pare
de palate sotra spognate, no calluccio de
trippa, no fecatiello, na cervellata; anze
si vuò fa buono a uno spito, fecatielle, cer-
vellate, e mozzarelle, ma vi, liscio liscio,
na cosella alta alta.

Cov. E si partite pò dīmane intino, na ma-
rennella la volite pè dint' a la glesia?

Pro. Ma na cosella... *Cov.* Alta alta.

Pro. Giusto, na quarantina de freselle fresche,
na duzzana de recotte, na ventina de sau-
cicelle secche, ca se mangiano a morza;
ma vi na cosella alta alta ca simmo de po-
che paste.

Cov. Pùozz'sbuttà pe la panza! pe da no pran-
zo a chisto se scasa na famiglia.

Fla. Va Coviello. *Cov.* Vado.

S C E N A IX.

D. Prospero, Rosaiba, Florindo, indi Colombina vestita da Pulcinella, e Pulcinella ve-
stito da Colombina.

Ros. Che dè si Florì? ve vedo penzaruso?

Flo. E' apprenzione vosta.

Ros. Comme ve sto ngrazia?

Flo. Comme la rosa a lo naso.

Pro. O pe meglio dicere comme il caso cavallo al pane frisco, o pure, comm' a na Gallotta al forno, i maccarune, o pure comin' al piezzo la panella, o pure...

Ros. Ah frate mio, e non chiù! e sempre parlarisisevo de mangià!

Pro. E senza lo mangià che simmo?

Ros. Ma sempe sempe?

Pro. Nuie aute frate chesto n'avimmo; e n'avimmo auto penziero che de mangià, e d'appurà addò sta na veppeta de vino buono.

Ros. Ne si Frorì? sta Padula è la vosta?

Flo. Non è la mia, ma ne dispongo comme fosse la mia.

Ros. E ghiammonce a fa na passiatà.

Pro. E dice buono; si nò comme volimmo avè appetito? daie collera a chi te minita; iuor n'arreto mme minitaie no compare mio, e io pe piglià appetito sagliette e scennette tre bote da chiaia neopp' a lo pretaro, da lo pretaro a bascio chiaia.

Flo. Facistevu buono.

Pro. No poco de nebinmeto mme fuie, ma le fece onore; mme portate da guappo; mme mangiate quase a la fine de la tavola, no piccoro mbottonato de maccarune e cervellate: E stammatina pechesto aggio voluto venì a pede; si nò non mangio, tu te piglie collera, e bona nott' a tutte.

Ros. Uh!

Pro. E chesto che ben' a di?

Flo. E tu comme staie ecà? parla malandrino frabutto. (credendo che sia Pulcinella).

Cal. Aspettate non m'accedite pe carità, che lo Cielo ve pozza scanzà de tre cose, salute, alleggrizze, e denare.

Ros. Poveriello!

Pro. Parla.

Pro. Va dicenno .

Col. Non mine vattite pe carità , ve cerco perduono .

Pro. E nne fuie Colombina da la casa mia !

Col. Mo ve la torno sanà e sarva . . scusate-me , io la voleva pe legitimo vituperio .

Flo. Chè birbo !

Col. E chi nue dice lo contrario .

Pro. A chisto mo ch'è nce vorria ? zas , e tira-le la capo da lo cuollo comme se fa a na Papera .

Ros. Addo sta Colombina ?

Col. Sta ccà . *Flo.* E addov'è ?

Col. Eccola ccà (*qui esce Pulcinella vestito ridicolamente da Colombina*) .

Flo. E chesta comme sta ccà !

Pro. Ah sbregognata frabotta . . .

Pul. Scusateme , simmo de carna cotta ! che nce vò a rompireve la noce de lo cuollo ? na ntroppecata ; eccomi a li piede vuoste co tutto ca so fetenti , per implorare dalla vostra paterna bestialità un scandaloso perdono .

Ros. Susete .

Pro. Sa perchè te perdono ? se tratta a fuire-tenne da la casa , sa perchè te perdono ?

Pul. Perchè ne signò ?

Pro. Perche accossi fece mammeta , zietà , vaveta , e tutta la razza toia ; comme portano de ratto violentibus , gli annali di Mercurio ; ma sacce ca te mineretarrisse essere fatto menuzze menuzze comin' a zoffrutto , e che io te mangiasse ncopp' a sidece panelle , ca meno de chesto mine faccio le zuppe .

Flo. Che s' a da fa , chi manca manca a sè .

Ros. Via mo non nè sia chiù .

Flo. Perdonatele , e restano ccà , aiutano a fa quaccosa .

Ros. Volimmo fa na passata ?

Flo. Jammo ; vi lo diavolo ! si m' affronto co Sabatella so arroienato !

Col. Vengo io pure.

Ros. Viene viè, ah! sto Polecenella mme fa morì.

Pro. Fuoco assaie senza sparagno ca lo fuoco fa la cocina.

Ros. Gnò? e buie? *Pro.* Mo vengo abbiateve.

SCENA X.

Pulcinella creduta Colombina, e D. Prospero.

Pro. Stamme sule, o nò? *Pul.* Gnorsi.

Pro. E sient'a me.

Pul. Arrassateve, non contaminate la pudicia dell'onesta mia sfacciataggine!

Pro. Tu che nne vide de Polecenella?

Pul. E bello non decite male, è no merolillo.

Pro. Chi Polecenella? E se po trovà no ciuccio chiu ciuccio de chill'o ciuccio? no sacco de paglia chiu scuoncecò e schetuso; no lazzarone chiu birbo, e villano.

Pul. (Ne? e mo te faccio agghiustà da Specariello).

Pro. Ora dammo binto: Tu saie ca te voglio bene, core speranza mia?

Pul. Maramè carosa! e che parole immolestie so cheste.

Pro. Mmaretàta ch'aggio Sorema imme te voglio sposà; ah! ca si bella figlia mia benedetta, e che uocchie sò chiste?

Pul. Mmalora cecate!

Pro. E che naso che tiene gentile e profilato!

Pul. Diavolo ncatarattelo!

Pro. E che faccella delicata, e cevile! e che belli figlie vorranno nascere da nue! tu bella, io belluccio, io caro, tu carella; se scasarrà lo munno.

Pul. Ah ah! non m'ammaleziare ca io so povera nnocentella; io avarria di voi pietà, se la mia carnosità, non si facesse afferrà, e tubba ca tubba e nanianà, secato fritto e baccalà.

Pro. Non nommenà baccalà ca mme faie asce-
velli; l'autriere mme ne mangiaie tre roto-
la e meza, fritto caudo caudo.

Pul. E non crepastevo!

Pro. Io mangio poco, ma aggio buono padio,
m'aggio arrevato a mangià de sera 18 pur-
pe cuotte de no quarto l'uno, tre rotola
de sconciglie ogn'uno tanto, le cacciaje da
dint'a le scorze, e po sale pepe uoglio, e
zucco de limone le botaie a uso de nzalata,
e otto o diece a morza, me l'asciuttaie tut-
te quante.

Pul. E la panza non schiattaie?

Pro. Restaie sdegnosella, e p'acconcià lo stom-
maco mme mangiaie accossi no pignato de
maruzze.

Pul. E non crepastevo?

Pro. E p'anchi n'ata cammarella ch'era re-
stata vacanta, mme fuieno regalate da tre
rotola de funge, e mme le fece arrostate
co, uoglio sale, arecheta, e aglie, ne
dette co no peretto, e mme iette a corcà
lieggio lieggio.

Pul. E dormistev la notte?

Pro. Saporitissimamente.

Pul. Bello mangià delicato pe la sera! quattro
rotola de purpe cuotte, tre rotola de sconc-
ciglie, no pignato de maruzze, tre rotola
de funge, e la matina comme ve sosistev?

Pro. No poco appetetuso, vica quanno se pas-
sa leggiolillo la sera, la matina te pevoleja
lo stommaco.

Pul. E che mangiastevo matino matino?

Pro. Piccola cosa, tre recotte fresche e 12 pa-
nielle a ruotole.

Pul. Puozze mo! acciso!

Pro. Ora venim'm'a nuie, mme vuò bene?

Pul. Mme facite la rossa comm'a no taratufalo!

Pro. E damme n'abbraccio non me fa chiu sper!

Pul. (E ba ca te voglio acconcià io) e bedite si trase nisciuno .

Pro. Si dice buono , e si volta . *Pul.* Specariè .

Spe. Bru bru bru , *situs lo spirito ove stava lui.*

Pul. Abbracciateme mo .

Pro. T'abbraccio co tutto lo co . . . ah ! misericordia ! lo diavolo aiuto aiuto !

fugge spaventato .

Pul. Specariè obbricato , commanname tu pure ; ne ? che se fa ?

Spe. Bru bru .

Pul. Vonno mangià dint'a la Padula ? buono , e llà voglio fa cose granne vattenne core mio . . . (*via lo spirito*) che buon' ommo è sto diavolo !

S C E N A XI.

D. Ceccillo, e Pulcinella.

Cec. Siè Colombi ? a la razia .

Pul. Uh D. Ciccillo !

Cec. Che fa la siè Rosalba ?

Pul. Passoleia . *Cec.* Addò passeia ?

Pul. Ccà bascio dint'a la Padula , ncopp' all' asteco , dereto a chillo vecariello , miniez' a chella largura , sopr' a chella montagna .

Cec. La siè Rosalba voglio sapè addò stà ?

Pul. Ve l'aggio ditto ; passeia cionca a no pizzo , co lo sì Frorindo .

Cec. Ma nce sò aute aggente ?

Pul. Uh no munno d' aggente , ma stanno sule sule ; vedono votà lo centimmolo , ca le piace de vedè trafecà lo vino ; e minacenà lo grano dint' a lo molino , ca nce sfizio a bede pastenà ; ca lo pescà e gustuso , mente se caccera , co la scoppetta , mine la rezza , s'accostano l'aucielle , lieve le nanasse , truove li pisce , carreche a palle , mine a no crapio ; miette lo caso int' o mastrillo e ncappe lo sorecillo .

Cec. Colombi ? avisse vippeto ?

Pul. Onorsì .

Cec. E dillo Figlia mia benedetta, e stato ianco o russo?

Pul. Gnernd, è stato verde e torchino.

Cec. Tu mme vuò fa-ì impazzia! e parlammo a siesto pe carità.

Pul. A sesto no lo pozzo parlà. *Cec.* E perchè?

Pul. Ca è muorto, salute n'aggiate maie.

Cec. Tu saie Colombina mia ca io inoro pè la siè Rosalba; Essa primmo mme voleva bene, e tu mme nce facive parla annascuso de lo Patre. *Pul.* Io.

Cec. Tu; non te l'alleguorde? te n'aggio date regale. *Pul.* Pe campà nnoratamente.

Cec. Po tutto nziemmo m'ha lassato, e non mme po chiù bedè. *Pul.* Vi ch'azzione!

Cec. Lo si Frorindo m'è amico, non credo che mme voglia fa sto tuorto de se sposà una chi a dato parola a mè.

Pul. Le femmene so femmene, fuss' accise quanta nce ne pareno, accossì bota bannere.

Cec. Aiutame si può Colombina cara mia, lo Cielo te pozza fa scialà cient'anne co Polecenella tuo; saccio ca le vuò bene, e se lo mmereta. *Pul.* Lo canoscite a Polecenella?

Cec. Lo canosco, le voglio bene, e pe isso nce mettarria la spata e la vita, aggraziato, e fedele, e ommo nnorato.

Pul. (Chisso la ngarra sà).

Cec. E si stessee cca mo le darria no vaso.

Pul. A chi?

Cec. A Polecenella; uh! e becotillo ccà.

Pul. Uh malora!

S C E N A XII.

Colombina da Pulcinella, e detti.

Cec. Pulecene?... *Pul.* Aspè, addò curre?

Cec. A da n'abbraccio a Polecenella...

Pul. Và abbraccia Salemine, o masto Donato.

Col. Uh D. Cecel...

Cec. Pulecenella mio caro ca...

Pulcin. vendic.

B.

Pul. Tu addò mmalora curre; abbraccia a me, e lassa l' Polecenella.

Cec. Tu parle sparo mò, io so no giovane onesto, tu si zetella zita, e chillo è urzo comm'a mè... e chillo abbraccio...

Pul. Mmalora! mo lo paccareio!

Cec. Lassame.

Pul. Che buò lassà... statte mò.

Cec. Io lo voglio abbraccià...

Pul. E ghiusto mo tè benuto tant' affecchienza co Polecenella. *Fol.* Vasta accossì.

Cec. Che buò avastà si accuoncio... lassa Colombi.

Pul. Specariè a tè: va l' abbraccia.. *lo lascia.*

Cec. Core mio te... uh marò mè!

Pul. Abbraccialo a gusto tuo! *invece di Colombina trova un orso in piedi, corre ad abbracciarlo, l'orso fa l'istesso, cadono così abbracciati rotolandosi per tutto il teatro.*

Col. Poveriello!

Cec. Aiutame pe carità! ca mo so sbranato!

Pul. Vasa mò, abbraccia, scialate sto core.... addecariate mo... mena!

Cec. Sarva sarva! *dopo varie giravolte alla*

Fol. Nc' ha voluto a malora. *fine scappa.*

SCENA XIII.

Coviello e detti.

Cov. Potta de crasie a quinnece! E tu che faie ccà?

Col. Perdoname Coviello mio, lo si Frorindo m' ha perdonato.

Pul. (E mò decreio a Coviello pure!)

Cov. Colombi? chisto che bò?

Pul. S'è pentuto lo poveriello, non me vo chiù, e io manco a isso.

Cov. Siente non teni mente chiù a chesta, cazas, e te levo la capo da lo cuollo.

Col. Pigliatella te la cedo, dalle la mano e spo, satella. *Pul.* Specariè a te.

Cov. E biene dint' a stè braccia...

Pul. E bide si nce vede lo Patrone, co' sò scor-
noso int' a la fede mia.

Cov. Non nce nullo.

Col. Và abbracciatella. *e si volta; intanto esce un dragone, e si pone nel tuogo della finta Colombina, va Coviello anzioso per abbracciare la sospirata amante e si trova fra le braccia del dragone, e fugge spaventato.*

Cov. Viene cca fàta morgana mi...

Pul. Abbraccia mo.

Cov. Ah! so muorto. *e fugge.*

Pat. Pigliate chesto, e torna pe lo riesto; iam-
moncenne.

SCENA XIV.

Giardino con tavola imbandita nel mezzo, che a suo tempo dovrà trasformarsi in bocca d' Inferno, e tutti i Personaggi dentro di detta bocca si troveranno tra le fiamme, incatenati in mezzo a Spiriti. Da un altro lato, vi sarà altra tavola per uso di riposo; con sopra un bacile con 6 sfogliate, un altro con 12 ova mondate, un altro con prigiottò trinciato, ed un altro con grosse pera, verdura, pane etc.

D. Prospero, timido, fuggendo, e poi Pulcinella da Colombina.

Pro. Ah ah! mamma mia bella! ancora tremmo de paura! Comme Colombina è arreventata no diavolo!... ah ca tengo la vermenara, e non aggio voglia affatto de mangià...

Pul. Si D. Prò?

Pro. Mammina mia cara!...

Pul. Ch'è stato? non tui.

Pro. Arrassate... tu si spireto!

Pul. Che spireto, core bello del mio sediceno, fuie apprenzione vosta.

Pro. Minalora! avesse sbagliato!

Pul. Sicuro sa avite sbagliato, v'aggio visto fuire, v'aggio chiammato, e baie chiu soivevo comm'a biento!

Pro. Ora vi l'apprenzione quanto fà! mme despiace 'ca pe la paura non aggio voglia de mme immocà quanto fosse no pignuolo.... cheste che robbe sò?

Pul. So robbe pe la tavola ché dà lo sì Fro-rindo all'orignure.

Pro. E cheste che sò?

Pul. Non toccà, è mala erianza.

Pro. Tu mò faje no parlà de criatura; pozzo mangià co la verinenara neuorpo? provo no poco.

Pul. Cheste so 6 sfogliatellune, le sò state regalate; robbe de monasterio, fatte senza sparagno. Chisto e no vacile de presutto, tellato a la riale; cheste so na duzzana d'ova toste pe la nzalata; cheste so pera briamutte, verdumma, pane frisco e ba scorrenno.

Pro. Sto debole de stommaco, vorria soppon-tà lo speretillo.

Pul. Aie ditto ca non può scennere quanto fosse no pignuolo.

Pro. Pe seppontà... quanto provo mponi'a la lengua.

Pul. E prova.

Pro. Na cosella alta alta vi comme faccio:
e si mangia ogni cosa.

Pul. Gno? chisto che malora fà!... adios vacile de presutto!... a revedere per a briamutte!... ve so schiavo fenuccie.... diaschece fallo crepà!... Si D- Pro?

Pro. Lasseme fa, non me parlà.

Pul. Vi ca schiatte!

Pro. Sepponto lo stommaco, na cosa alta alta, mme mantengo cara mia si nò a tavola non mangio, e po sto co l'anmore tuo ncapo, comme voglio avè appetito, o

unanimorato vero, o scorza da chiuppo.

Pul. Tu poco nce vò e te mange li piatte, lo mesale, la tavola, la seggie, e a mè!

Pro. Bagattelle; a tavola spero de mangià quà poco; ha fatto robb' assaie lo sì Frorindo? te si addonata a la cocina?

Pul. Uh nce robba nchino: Nce so tre Gallottole a lo forno, la menesta co lo bullito, maccarune de Zita, no lacierto de tre rotola, no fritto de fecato e cerevella, na gran zuppa de zoffritto, quatto spite de fecatielle de puorco; na gran pizza, no pasticcio; presutto, formaggio, e sopra tavole.

Pro. Nient' auto? uh malora! se n' è asciuto lieggio lieggio, tuss' acciso io che nce so benuto; e che simmo ietteche o che... vù sapè na cosa Colombi? e affritto, e po essere che guasto lo matremmonio.

Pul. Ne?

Pro. E' razza de tavola, e razza de mangià? quanno non nce na cosa ferma io nce patesco, e me soso muorto de famma.

ul. Ne?

Pro. Certo.

Pul. Ma che borrissevo pe restà sodesfatto?

Pro. Na cosella alta alta?

Pul. Ma che sarria? pe curiosità.

Pro. No paro de piccore mbottonate de maccarune de zita, e cervellate, e mozzarelle; no paro de fecatielle, e bentricielle de vufera; na coscia de Vitella fatta agro doce nziyiero; doie o tre porchette repiene; na ventina de costate arrostate; na pezza de Parmisciano buono; tre o quatto presotta vollute, e dessossate.

Pul. Non chiù?

Pro. Poco, e buono; inme lo sonno ca sò benuto a patè Colombina mia.

Pul. Chisto tene no tarcenale neuorpo!

Pro. Ecco cca tutte.

Pro. Lattuca?

Pul. Gnerno; ncè na sarma e meza de grain-
megna, l'aggio fatta lavà e spannere ncopp'
all' asteco, la conciammo co no staro d'
uoglio de massa, no quartarulo d' acito for-
te, doie o tre rotola de sale minacenate,
la votammo bona bona e ve la dammo; ca
meno de chesto non nce vo pe ossoria, na
nzalatella alta alta.

Flo. Orsù portate n'avola.

Cov. Ecco ccà la primma portata.

Pul. Specariellò a tè:

*Al comando di Pulcinella la tavola si muta
in bocca orrenda d' Inferno, come si è sopra
descritta, e si vedono tra le fiamme e fuochi
artificiali, ardere in essa tutti, fuorchè Pul-
cinella Colombina, e D. Ciccillo che resta-
no al di fuori, mentre tutti gl' altri saran-
no fra catene, e fiamme da neri Spiriti inca-
tenati. Tutti Ah!*

Bul. Mangia mò lupo fede d' aluzzo.

Pro. Mo moro! chesto d' è! aiuto pe carità!

Pul. Coviè sposate Colombrina.

Cov. Misericordia ca non te voglio chiù!

Bul. Si Froli? sposate la siè Rosarba ch' è
naimmorata, e boluta bene da D. Ciccillo mio.

Flo. No la voglio chiù, nce la cedo!

Bul. Sposate Peroniè Sabatella toia, puorco
fraburto.

Per. Che se la piglia chi vò, pure ch' esco
da ccà.

Pul. Orsù, forà fonzione; Io sò Polecenella, e
chesta è Colombrina.

Tutti Uh! e chesto che d' è!

Pul. O tutte a ardere lloco dinto, o avite da
fare tutto chello che bogl' io.

Tutti Gnorsti.

Pul. Lo si Froindo che se sposa mò Sabatel-
la, zaccio ca se vonno bene.

Flo. So contento. *Sab.* E io pure.

Pul. Dateve la mano,

a 2 Eccole ccà *Pul.* Ascite. *escono dalla bocca dell' Inferno.*

Flo. Bene mio!

Sab. Aggio avuto a spererare!

Pul. Là siè Rosarba che se sposa D. Ceccillo ccà, chisto è lo primmo nammorato suo, è no giovane d'oro, ricco, e buono siglio; Site contentè?

Ros. So contenta. *Pro.* E io pure.

Pul. E ascite; sposate. *escono*

Ros. Ecco la mano mia.

Cec. Ecco la mano e lo core.

Pul. Pereniè o vattenn'a nàpole e sposate Tolla la rognosa primma amasia toia, sposate D. Prospero, che buo fà?

Per. Non ne voglio sapè chiù, famm'asci e me la coglio a nàpole.

Pul. E iesce. *esce*

Per. Aggio fatta la vermenara!

Pul. Coviè che buo fà?

Cov. Che saccio! *Pul.* Lloco stae buono.

Cov. Polecenella mio agge pietà de me?

Pul. E buò tenè mente chiù a Colombina?

Cov. Affatto, maie chiù, sia la toia, te la cedo. *Pul.* E iesce.

Cov. Si mme nzagno non esce sango!

Pul. Colombrì? *Col.* Polecenè?

pul. Damme sta mano toia sarvaggina.

Col. Teccotella mascolone mio.

Pul. Tutte alliegre, tutt'amice, tutte pariente dopo che so tornato io a la forma mia, e Colombrira a la forma soia spezzo la bacchetta, renenzio a la Maggia, site tutte contente. *Tutte Contentissime.*

Pro. Accossi spero che sia restata chesta nobele e bertolosa audienza che lo Cielo le pozza dà mente campa, salute, denare, e contentizze.